

UGOVOR ZA KASKO OSIGURANJE MOTORNIH VOZILA

Ugovorne strane:

**MINISTARSTVO UNUTRAŠNJIH POSLOVA KANTONA SARAJEVO, UPRAVA
POLICIJE, La Benevolencija broj 16, koju zastupa policijski komesar, generalni
inspektor policije Mevludin Halilović (u daljem tekstu: Ugovaratelj osiguranja)**

**CENTRAL OSIGURANJE d.d Sarajevo, ulica Džemala Bijedića broj br. 39, koga
zastupa direktor Hamid Milak (u daljem tekstu: Osiguravatelj)**

Član 1.

Predmet ovog ugovora je pružanje usluga kasko osiguranja motornih vozila (lot 2) za potrebe Uprave policije Ministarstva unutrašnjih poslova Kantona Sarajevo, putem otvorenog postupka, objavljivanjem obavještenja o nabavci broj 16475-1-2-34-3-14/17 od 31.10.2017. godine. Odlukom broj 02-14-4-18521 od 12.12.2017. godine izabran je najpovoljniji ponuđač. Ponuda Osiguravatelja broj 01-30101-5006/2017 sastavni je dio ovog Ugovora.

Član 2.

Ugovorne strane se obavezuju da će se pridržavati cijena iz ponude koja je prihvaćena za svako pojedinačno motorno vozilo i da se neće mijenjati u toku trajanja ovog ugovora. Ukupna vrijednost kasko osiguranja motornih vozila iznosi 23.615,30 KM (dvadesettrihiljadešeststotinapetnaest i 30/100 KM). U skladu sa odredbama Zakona o PDV-u, osiguravajuće kuće su oslobođene plaćanja PDV-a. Osiguravatelj se obavezuje da će pod istim uslovima u periodu trajanja ovog ugovora pružati usluge kasko osiguranja za motorna vozila Ugovaratelja osiguranja.

Član 3.

Osiguravatelj se obavezuje da u roku od sedam (7) dana dostavi безусловnu bankarsku garanciju za dobro izvršenje ugovora u iznosu od 10 % vrijednosti ugovora sa rokom važnosti krajnji rok izvršavanja ugovornih obaveza plus 30 dana.

Član 4.

Osiguravatelj se obavezuje da ugovorene usluge izvrši prema tehničkoj dokumentaciji, propisima i standardima iz oblasti osiguranja. Takođe se obavezuje da u svemu postupi po eventualnim primjedbama Ugovaratelja osiguranja i nedostatke otkloni bez odlaganja u rokovima koje odredi Ugovaratelj osiguranja.

Član 5.

Ugovorne strane su saglasne da će se utvrđena šteta plaćati u roku od petnaest (15) dana od dana dostavljanja kompletirane dokumentacije.

Član 6.

Osiguravatelj će obezbjediti stručnu i svaku drugu pomoć u posredovanju, procjeni i urgiranju naplate šteta koje su nastale iz odgovornosti drugih osiguravajućih kuća.

Član 7.

Ovaj ugovor se zaključuje na godinu dana od dana potpisa obje ugovorne strane.

Član 8.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 9.

Ovaj ugovor je sačinjen u četiri (4) istovjetna primjerka od kojih svaka od ugovornih strana zadržava po dva (2) primjerka.

**OSIGURAVATELJ
CENTRAL OSIGURANJE d.d
SARAJEVO**

direktor Hamid Milak

Broj: 12/2018

Datum: 12.01.2018


**OSIGURAVATELJ OSIGURANJA
MUP KANTONA SARAJEVO
UPRAVA POLICIJE**
POLICIJSKI KOMESAR
Generalni inspektor policije
Mevludin Halilović

Broj: 02/14-5-188

Datum: 11-01-2018